



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Eius vitae ratio postremis annis, & extremi temporis actiones quædam.
cap. 6.

urn:nbn:de:hbz:466:1-10502

eo consilio, legatos ad Rhætorū conuentum mitterent; de integra religio nis libertate populis dedititiis restituenda . qui etiam publice testarentur; si quemadmodum iustum erat, & federis legibus continebatur, Rhæti non fecissent; nolle se eiusdem foedari iure, si quid ijs aduersi accidisset; teneri; subliuumve aliquod ferre.

Quæ legatio magni sine dubio ponderis, plurimum catholicis valuisset, si cætera quoque teneri potuissent. His omnibus Caroli officiis, conatusque, simul fortitudine Mefauorum, mire catholici earum regionum omnes sunt excitati. languēt permulti quidem in studio tuendæ salutis, fideique tum conseruandæ, tum propægandæ; siue quia in virtutis sæpe iacentes fide sunt infirma; siue quia tales dominos timent; nullo præsertim parato defensore. Sed in vniuersum tamen ad fidei libertatem recuperandam; & ad grauissima quoque pericula ob eam cauſsam subeunda, sese per id tempus erecto animo, paratos præstiterunt. quæ res fecit, vt quidam fidei negotium, quod Carolus vñ agebat, ad rem suam, cupiditatemque accommodantes; cum ducem aliquem tantummodo, paucosque armatos populis Teling vallis deesse ad arma contra Rhætos capienda existimarent; militum manum ad eos ducere, mortuo Carolo nulla auctoritate publica conarentur. cuius rei auctores Mediolanensis Gubernator puniuit. Verum is ardor, alacritasque omnis, quæ ab Caroli auctoritate, liberalitateq; plurimū pendere videbatur, ab eius obitu vereor, ne penitus sit debilitata. quæ tamen, speremus, vt aliquando Dei munere, in spem religionis integræ colendæ restituatur. At interim Italici populi in totius præpotentis Italæ, & maximorum christianorum Principum conspectu, hæreticorum dominorum iniuria, qui potentissimi tamen non sunt, percussi iacent. Dei

cultus, sacrorumq; administratio friget; & in dies minuitur, contaminaturque magis. augetur quotidie numerus hæreticorum. Italæ pars, terrima hæresis pestilentia paulatim conficitur, & contabescit. Quæ mala vitam Dei misericordia ij quandoque respiciant, qui remedium afferre possunt.

Peruenimus ad postremas Caroli actions: quas tamen postremas fore credebat nemo. nonnulli quidem in eo, vltimis præsertim mensibus, obseruabant aliquid insuetæ imbecillitatis, & maciei. sed tamen, vt sæpe accidit in excellentibus viris, eò longiore vita fore plerique existimabant, quò christianis rebus eam videbant utiliorem. Imbecillitatis cauſsa putabatur, corporis sui tractandi ratio, quam in summis, assiduisque laboribus tenebat. cum enim in superioris anni Quadragesima tota, pane, & aqua tantummodo se reficere semel in die cœpisset, Dominicis diebus exceptis; quibus tamen pisces non gustabat: in eo genere adeo progressus est; vt iam reliqui etiam temporis maiori parte eadem in corpus suum duritia vteretur: cumque ad sequenter peruenisset Quadragesimam huius anni M. D. LXXXIIIL adhuc asperitatè augens, certis diebus ipso quoque pane relicto, fucus aridas tantum, & aquam sumebat. atque vltima hebdomada, que sanctius colitur; fucus omissis, lupinis vti constituerat. Cruda legumina puto imitatione Patrum voluisse adhibere, inter quæ vnum lupinum egenis vsui esse aqua maceratum, hoc tempore videre potuit. Verum ob eam cauſsam abstinuit, de qua nunc referam. Non multos ante dies erysipelas in crure rursus apparuerat, vlcusque fecerat: cuius curandi cauſsa, medicis parens, iacuerat complures dies. cum minime sanaretur; concessere Medici, vt surgeret, motusque beneficio frueretur. ita tum sa

cras

Eius vita sa
tio postre
mis annis;
& extremi
temporis
actions
quædam.
CAP. VI.

eras ordinationes initio Quadragesimæ habuerat; tum alia gesserat, quæ opus erant: neque crure amplius laborauit: ac dum surgendi facultatem peteret; affirmaretque ex natura corporis sui bene cognita, se se ex ea reconualescere posse; medici autem primò quidem non concederent: quidam ex familiaribus, existimans Carolum cum vita discrimine medicis minime paritum; idque animo suo dolens; litteris Romanam ad Caroli necessarios datis; eum grauiter ægrotare scripsit; neque velle medicorum curationem admittere. Ibi de re consultant. efficiunt denique ut ad eum scribat Pontifex in hanc sententiam: se se ægre admodum ferre, quod curationem pati nollet: monere autem, ut sanctos viros animi virtute imitetur; corpus eatenus affligeret, quatenus vires, æquitate seruata, ferre possent. Postremo etiam grauiter imperat, ut in vita moderanda medicorum consilia sequatur. Carolus, qui tum se valere sentiebat; sibique confidit erat, in proximo morbo nihil feuisse contra medicorum præscripta: qui de falso item nuncio, unde litteræ aperte pendebat; & omnino unde fluxerat tota res, satis compertum habebat: qui denique sciebat, omnem vitæ suæ rationem Pontifici, cum eum proxime fuerat allocutus, retulisse; & quæ is improbasset, dimisisse: nihil in re tanta, tali loco, & tempore sibi temere faciendū statuit: sed Pontifici scribendum; ut is cognita veritate, sententiam suam aperiret. sed interim tamen medicos accersit; de vita spirituali, atque Episcopali medicinæ legibus astringenda querit: aliqua de asperitate luscepta remittit. Primo igitur, quæ de proxima ægrotatione se accepisse Pontifex ostenderat, unde pendere ius lumen perspiciebatur; ea falsa esse litteris demonstrat. Addit se de tota valetudinis, vitæque suæ ratione, iam nunc Patri sanctis-

simo quæ vera esse existimaret, expofitum: facturum deinde diligenter, quod is iuberet. Se se antea, quod Pontifex ipse recordari poterat, dum me dicorum præscripta sequeretur, infra semper fuisse valetudine: demum etiam ita se habuisse, ut ad modicum tempus existimaretur vitam posse producere. ante annos circiter duodecim, piorum, prudentumque virorum consilio, mutasse viuendi rationem; a præscriptionibus medicorum discessisse: adeo fœliciter evenisse; ut quæ valetudo studiosa obseruatione, curaque sustentari non potuerat: ea vulgari viuendi modo optime confirmaretur; vitæque longioris spem afferret. si tunc demum post diuturnam consuetudinem, cum annuæ etatis ageret quadragesimum sextum, se se ad medicos referre voluisse; neque sine muneri sui graui impedimento, & cum manifesto vitæ discrimine id futurum. Attamen artem se medicorum nullo modo aspernari; ne latum quidem vnguen ab eorum præscriptis discedere, cum ergo taret: alias etiam eorum consilia requiri. at ea semper sequi, eorumque se obseruationibus addicatum prestatre; id vero neque menti eius sanctissimæ; neque vitæ Episcopali videtur consentaneum: quod vel medicus ipse fateretur, ab eo proxime consultus. veterum Patrum, & Sancti Ambrosij in primis, hanc esse sententiam: diuinæ cognitioni contraria esse precepta medicinæ; à ieunio renocare; à lucubrationibus, & ab omni intentione mentis abducere; eum qui se medicis daret, seipsum sibi abnegare; omnino cura corporis huius auerti neminem a studio disciplinæ debere. Pontificis ipsius exemplo ita doceri, qui medicas obseruationes in vita sua ratione minime seruaret. hæc ita cum se haberent, qui pontificio ius suæ medicorum consiliis addicatus esset; eum certe perpetuis conscientiæ

Rimæ

stimulis, atque angoribus necessario cruciandum. Quod existimaretur ea corporis asperitate uti, quæ vires superareret: hoc vere affirmare posse; neque se eam, quæcumque esset, valetudini sebessisse contrariam; & ad munera sacerdotalia facilius obeunda accommodatam. omnino eum se modum minime tranfire, quem superiore anno, cum ad eius iudicium omnia sua detulisset, Pontifex ipse comprobasset. si etiam continentia, & corporis afflictione paulo magis progrederetur, quam vulgo alij multi solerent; minime videri improbandum; tum ad delenda peccata; tum ad sanctorum virorum; immo ad ipsius, qui sanctorum est auctor, actiones aliquo modo imitandas: idque maxime, quod eius ipse ordinis, hoc est Episcoporum esset; quibus non animi virtute, solum, sed exercitatione item corporis; ex Gregorij Nazianzeni, aliorumq; Patrum doctrina; reliquos omnes longe post se relinquare studendum esset. Quod autem ea vita ratio futuris temporibus, conjectura quadam sibi nocere posset: incertæ offensionis metu, certos salutarium operum fructus negligendos non videri: neque tam longe cauendum: aliqui corporis afflictionem, penitentiaq; officia homini christiano necessaria, quis vñquam suscepisset? Si etiam animo intres salvatares intento, Episcopus in eiusmodi exercitatione præter voluntatem aliquid corpori suo noceret; quod satis plerisque legeretur euénisse; non esse id tamen damnandum. merito patres existimasse, sacerdotes ab ipso Christo Domino sali, & lumini ob id quoque comparatos; quia illud dum condit cibos, liquefit; hoc dum ardet, & diffunditur, oleum sibi consumit. confidere se, ea omnia summo Patri probanda. at vero quidquid significasset, ei se omnino prompto animo paritum. Cardinali autem Comenii; qui Pontificis erat negotiorum præ-

cipius administer, Pontificisque epistolis prefectus; & litteras ipse quoque ad Carolum ea de re dederat, respondens; addidit, si Pontifex in ea perstaret sententia, quam litteræ præse ferrent: nulla alia ratione se posse conquiescere; cum illius iussi, ac timore solicitari perpetuo neceſſe esset; nisi vt dimisso Archiepiscopatu Romam demigraret; ibique in conspectu Pontificis viueret; qui eius vita rationem quotidie cognoscens, eum ab conscientia aculeis, quotidianeisque mortibus liberare potuisset. sed is rescripsit, nolle Pontificem Carolo vinculum iniicere; sed eius arbitrio permittere, quando medicorum consilio sibi vtendum esset. Factum huiusmodi fecit; quoniam in iis epistolis scribendis nostra opera uti voluit; vt de eius vita, sensuque plenius cognosceremus, certiusque scriberemus. optandum erat fortasse, vt saltet durissima quedam in tempore nominatim interdicerentur; si virtus illius, vitaq; fructum ita forte potuisse diutius percipere. nam medicorum præceptis hærente semper quomodo posset tali consuetudine, taliq; occupatione præful? Verum illud potius existimandum est; in hoc Dei seruo, quemadmodum in aliis multis, de quibus nominatim agere longum esset, diuina benignitate factum: vt ad exitum vitæ huius appropinquans, clariori sanctitatis luce splenderet: quod illi expeditius esset ad beatitudinem consequendam; ceterisque ad virtutis imitationem illustrius. neque vero nouum est; sanctos viros, vt optimos cursorum, hisce viuendi spatiis, eò se magis incitare, quod proprius accedunt ad metam: licet eos sæpe quidam hæsisse dicant in cursu, quos oculis corporeis ad metam peruenisse non vident. ego enim ita sentio, multos Deo deuotos viros, non quod extremo tempore durius vixerint, longius vitam non potuisse præducere: sed quod



quod a fine vitæ propius abessent; ijs
Deum dedisse durioris vitæ benefi-
cium. Finem vero vitæ præagiens
Carolus dicebat; de maiore annorum
numero, se omnium minime solici-
tum esse debere; qui mirabiliter quo-
dāmmodo, quantum ex priore imbe-
cillitate iudicari poterat, ad eam æta-
tem perductus esset. quæ quidem ætas
esset fere familiæ suæ. Gibertum pa-
treū mortuum, dum annum X L II.
ageret: fratrem Federicum multo iu-
niorē sorores quatuor ante illam æta-
tem vita excessisse; duas prope adoles-
centes. quid sibi reliqui tandem existi-
maret; nisi forte paucos annos in do-
loribus, cruciatibusque corporis esse
traducendos? Cura Franciscus Ador-
nus ad eum per idem tempus veni-
set; huius generis nonnulla locutus,
Patrem quodam quasi ioco interro-
gauit, quæ ætate esset; cumque audis-
set, si recte memini, esse circiter quin
quaginta annorum; Ieius, inquit Pa-
ter, num adhuc in vita manendum est?
quæ quidem erant itidem obitus sui
proximi prædictiones quædam. Post
Paschæ celebritatē cum crucis fe-
stum appropinquaret, inuitauit Au-
gustinum Valerium Episcopum Vero-
nensem, qui paulo ante creatus erat
Cardinalis; ad illa sua sacro sancti cla-
ui solemnia: propter quæ Duci Man-
tuanio se tum excusauit, ne ad eius fi-
lij nuptias iret: ita cupiebat optimi
Antistitis, quem plurimi semper fece-
rat, & amplissimo honore dignum iu-
dicauerat, spirituali cōsuetudine pau-
lum frui. Sed paucis ante festum die-
bus ei nunciatum est de grauissimo
Ioannis Delfini Episcopi Brixensis
morbo: cumque tota die Dominica
in diuinis officiis de more fuisset; no-
ste Brixiam summa celeritate venit.
mane cohortatione, sacrisque necel-
fario tempore hominem magnopere
iuuat: mortuo funus curat; celebri
Missæ officio suffragatur; pia concio-
ne cohonestat: his omnibus Brixien-

xium pietatem magna cum iuuenadi-
tate iuuat, demum ad Crucis festum,
quod feria quinta celebrandum erat,
citatim equis, quoniam ita ob tempo-
ris breuitatem necesse erat, noctis fe-
stum precedentis hora octaua Medio-
lanum peruenit. tanti momenti puta-
bat, piis populi studiis, officioq; suo,
cum vsu veniret, non deesse. tum via-
torii vestibus statim positis, quasi ad
illam horam commode quieuisset, ijs
meditandis, quæ in concione poste-
ro die dicturus erat, reliquo noctis
tempore operam dedit: nocturnis,
matutinisque sacris interfuit; Ponti-
ficali more Missam fecit; concionatu-
est, claram consueto viarum ambitu,
sacris ordinibus cunctis productis,
portauit; reliquum diei in vesperti-
nis sacris, aliisque de more diuinis
exercitationibus integre posuit. Ab
Augustino autem, vt alias, sic eo die
impetravit, vt piam vespere concio-
nem ad Mediolanensem haberet. Reli-
quos anni menses consumpsit in con-
suetis laboribus, quos quidem, & ex-
tremo omnino illius facta, ne minute
nimis a me descripta, prudentiores
quidam iudicati sint, non nihil vereor.
sed nihil dicturum me confido, quod
iure superuacuum videatur, aut leue:
religiōsoribus certe mentibus ple-
risque gratificaturum me, profutu-
rumque scio. Visendis ecclesiis dioce-
sis suæ ea æstate se exercuit: idque
magis quam autea fructuose. denuo
ciari enim unoquoque loco ante iu-
bebat aduentum suum; & amplum in-
dulgētiæ beneficium iis proponi, qui
peccata confessi communicassent. Sa-
cerdotes præmittebat magna aucto-
ritate sacramenti pœnitentiae admini-
nistros. ipse cū venerat, sanctissimum
Eucharistiæ cibum præbebat. magnus
vbique constabat sacræ pœnitentiae,
ac salutaris expiationis fructus. nam
plerique negotiis omisis, ea præcla-
ra dona cupide admodum a charissi-
mo Patre accipiebant. Modo etiam ve-

nit



mit; vbi nostram sanctæ Mariæ ecclesiam tribus cum altaribus cum dedit casset, xxi. Cal. Iulij; in collegio, quod semper, ut opus suum, amaverat, mira quadam abiectione solus man sit; ad Nouitios rogatus a nobis, verba fecit amantissime, de perfecta vita institutis. At vero libenter alioqui per id tempus frequentiam fugiebat; & in remotiora loca discedebat, negotiorum se molestiis subtrahens; vt sacris studiis, diuinisque contemplationibus vacaret. quod gubernationis, actionisque omnis iam iam depo nenda, diuinæq; contemplationis integre suscipiendo, omne quoddam vi deri posset. Sed Mediolanum tum ad præcipua festorum solemnia rediit, vt solebat semper; tum ad consecrationem primo Albensis, deinde Alexandrini Episcopi electi. nam & ipse sacris eiusmodi officiis delectabatur; & pii viri sibi a tanto Antistite manus imponi cupiebant; a quo præterea discedebant optimis ecclesiasticæ disciplinæ præceptis locupletati. Atque Octauium Parauicinum Alexandri num, nunc Cardinalem cum consecrasset; eduxit etiam secum ad ecclesiarum lustrandarum munus. nam, & ipse optima noui Episcopi voluntate, virtuteque delectabatur; & ille antiquam religionem magni, & episcopali munere diu gloriole perfuncti Antistitis singulariter obseruabat.

**Exercet se-
fe in monte
salutariter.
iter facit a-
grotans.**
GAP. VII.

Celebratus erat sacra, quæ dicimus, Septembribus mēsis tempora; cum accepit, Franciscum Bosium Nouariæ Episcopum ita agrotare, vt morti propinquus iudicaretur. iussit autem ille Carolum certiorem fieri, & suo nomine tantummodo postulari, vt sibi benediceret morituro. Carolus autem statum illius temporis ordinatum munus Francisco Cittadino Episcopo cum mandasset; paucis horis post nuncium allatum moratus, nocte ipsa Nouariam contendit, quæ eriginta passuum millia Mediolano di-

stat. mortuum Episcopum inuenit; consueta pietatis suffragia tribuit; in concione populum cohortatus est; quæ tali tempore conueniebat. ecclæ ministros monuit, quid facerent, dum Episcopus a Pontifice daretur. Nouaria Guido Cardinali Vercellen sis, eum ad Messerani Marchionem communem cognatum adduxit: vt in mortifero morbo hominem consola tur, & iuuaret; quod utiliter admodum efficit: nam Marchio sacramen to poenitentiæ expiatus, & Eucharistia sanctissimæ munitus, pie mortem obiit. Vercellis aliquot dies fuit; vbi in componendis illius ecclesiæ rebus, cū Episcopus apud Imperatorem Sedis Apostolicæ nuncius abeset, versatus est. Constituerat eo tempore fese diutius salutariter colligere; quibus in rebus a multis mensibus peccasset, & suis defuisse officiis, attente peruidere; errata confiteri; veniamque a Deo postulare: tum per diuinias etiam contemplationes ad pietatem, vitæq; sanctitatem acrius fese incitare: & ad negotia præterea, quæ tum illi erant in manibus, pie, & feliciter gerenda, diuinam opem enixe implorare. quibus rebus solitudine opus erat. Eiusmodi exercitatio cum aliis ei cordi esset vehementer; tum eo tempore erat optatissima, ob mentem magis, quam antea diuinarum cōtemplationum cupidam; earum præsertim, quæ de cruciatibus, morteque Christi Domini essent: quas per ea tempora studiosissime, ardentiusq; animo frequenter tractabat; articulatim ordinabat; litterisq; mandabat. qua quidem mente, studiisque clementissimus Deus, id quod demum post factum clarius apparuit; sacerdotem suum iam iam ex hac vita migraturū ad æternā præ vbi alias simili de cauſa fuerat, tunc etiam ad eam rem delegit. vico id non sequo spatio distat, ad passuum millia

cir-